



DEO OPTIMO MAX.

UNI ET TRINO.

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS
manè discutienda, in Scholis Medicorum, die Jovis primâ Martii,
anno M. DCC. XXXVI.

M. HENRICO GUYOT,
Doctore Medico, Præsîde.

Utrum Ani fistula ferro tutius quàm Cansticis, aut ligaturâ curetur?

I.

ANUS est extremum inferius intestini recti. Triplici instructus est musculo: horum unus, ab officio, constrictor sive sphincter Ani dicitur: ab inferioribus ossis sacri vertebrae enatus podici circumducitur: ossibus coxendicis per ligamenta membranacea lateraliter alligatur: antè vesicæ urinariæ per fibrosos nexus, in feminis collo uteri per proprios hujus musculos adhærescit. Superiori parte crassus est, tenuior inferiori, quâ cuti inseritur & firmiter connexus est. Dicatur hic unus aut triplex musculus, nihil ad rem. Anum claudite feces injussæ excernantur. Reliqui duo muscoli levatores Ani appellantur, Originem habent utrinquè à parte internâ & laterali ossis ischiî, & quandoquè pubis, desinunt in Ani sphincterem. Ii musculum constrictorem, qui ad inferiora plus minùsve detruditur, prout majori vel minori conatu egeruntur excrementa, sursum retrahunt in locum pristinum. Arterias & venas ab Iliacis internis habet podex, quæ ob id hæmorrhoidales audiunt, quod non rarò per Anum cruor effluat. Qui in venis hæmorrhoidalibus continetur sanguis, facillè lentescit, spissescit, corrumpitur. Plures inter alias causas, compressionem cogitabis, tum ab induratis fecibus, tum ob sessionem aut equitationem diuturniorem. His annu-mera casum, ictus queis supervenit contusio. Anus igitur tumoribus & abscessibus valdè obnoxius cognoscitur. At aliquandò dysenteria, tenesmus, alvi fluxus diù permanentes aut præposterè suppressi, sæpius hæmorrhoides cæcæ, dolentes, non ritè fluentes, aut legitimè fluentes perperam siccata, abscessus generant, horum soboles fistula. Id nomen est ulceri alto, angusto, calloso, pus fundenti, copiosum si ex pluribus partibus deducatur; album, leve, si musculos tantùm petroserit: At ex nervoso loco coloris quidem ejusdem, sed te-

Cels. L. v.
C. XXVIII.

minus & minus: ex nervo, pingue & oleo non dissimile.

ANI fistulæ, sede, facie, formâ, indole, inter se differunt. Intestinum rectum aliquando ejusque musculos afficiunt, atque ultra trium digitorum altitudinem perreptant. Alias in margine podicis consistunt. Alias ab intestino secedunt usque ad os sacrum, coxas, femora, vesicam ipsamque penis radicem spatiatæ, gyros revolvunt. Simples modò, modò plures observantur cuniculi. Triplex ergo fistulæ Ani species. Nunc foris impervia intestinum perforat. Nunc margine podicis perforatâ integrum remanet intestinum. Nunc intus hiat & forinsecus. Fistula intestinum duntaxat perforans, externo experts ostio his signis innoteſcit: partes finitimæ tumescunt, inflammantur, dolent, indureſcunt, pulsatione exercentur, quandoque dysuria vel stranguria præit; dein suppuratione peractâ, feces pure aspersæ egeruntur, pruritus in sphinctere Ani molestus est, tandem aliquid asperi, digito in intestinum immisso, perſentitur. Fistula foris & internè hians non solum puri sed & flatibus exitum præbet. Fistula externè aperta, internè verò occlusa specilli ope distinguitur, specillum enim certior fistulæ sedis indagator. Specillum in fistulam, digitus oleo illitus in Anum immittuntur, ut altitudo fistulæ, ejus inſeſſus, hiatus explorentur. Hâc viâ fistulam secundum intestinum irrepere ipsumque perforare, vel ab ipso recedere ac vagari, simplicem esse aut cuniculos agere faciliè deprehenditur. Quâ sit ut prognosis & curatio varia instituenda sit. Veterem fistulam liberè pus emittentem, parùm afferentem incommodi, valetudini non adverſari, quin etiam conducere experientiâ discium est. Si aliùs excurrat fistula, vesicam, ischion, os sacrum pertingat, aut medios Ani musculos transgrediatur, cura, quam vult *palliativam* vocant, adhibenda. Quid ita? invita alvi dejectio succederet, sinibus profundioribus, cariei ossium mederi nequicquàm posses. Tunc universilibus præſidiis in usum vocatis, agrum Naturæ committere juvat. Cæterarum podicis fistularum curationem aggredieris? hanc perſicies ferro tutius quàm cautitico aut ligaturâ.

I I I.

IN hoc tota posita est Ani fistulæ curandæ ratio, ne plus minùsve quàm par est illa aperiatur, ne partes sanæ frustra discernantur, aut ulcerosæ & callosæ intactæ remaneant. Quidni huic aperturæ faciendæ *escharotica* usurpentur? vehementioribus enim aut mitioribus adhibitis, major minorve procreatur *eschara*. Egregium consilium! sed experientiæ & rationi absonum. Quis caustici *energiam* adeò noverit, ut ejus effectus suo arbitrio componere valeat? Cordatus Medicus validiora aut mitiora æqualitèr exhorreſcit: ut hæc muneri proposito imparia, illa nimis corrosivæ capacia. Cauticum exlex & effrenum nullis regulis subſicitur. Hujus effectus si immodicus, vix ac ne vix quidè m coercetur. In variis subſectis partes plùs minùs duræ, magis minùsve resistent. Hinc de medicamento naturâ, indole, dosi, nihil certi habetur. Num *escharotica* sero dissoluta atque ultrâ citràque diffusa, absumendis duntaxat partibus insidebunt? quot & quàm necessariò partes insontes adurentur! At quantum cum dolore! videas homines miserrimos diem integrum, imò diutius immanissimè cruciari, jactari, ejulare. Nequè tamèn forsàn adeò reformidanda est strages illa partium innocuarum, quàm timendum est ab iis, quæ dolores invadunt, symptomatibus. Dolor immanis vigilias, vigilie febres, febris phlegmonas, phlegmones convulsionem pariunt, convulsionem non rarò mors excipit. Aliundè quòque discito causticorum pericula. Lethalia sunt à telis venena-

5
tis inflicta vulnera. Animalia quorum in vulneribus oleum Tabaci aliudve toxicum instillatum fuerit enecantur. Non-ne spirituoſa, emollientia, narcotica externè admoda vires ſuas exerunt? Cicuta diutius ſuprà regionem cordis geſtata, *ſyncopen* atque *cardialgiam* intuliſſe narrantur ab Authoribus graviffimis. Quorū hęc: ut intelligas cauſtica ad aperiendam fiſtulam applicata ſuis ter-
tris *miſſis* totam corporis œconomiam poſſe pervertere. Sed ad callum ab-
ſumendum quàm ineptè cauſtica uſurpantur! Quis nescit cauſticum etiam parti ſanæ applicatum *eſcharam* facere? ſed ſi parti calloſa? decider *eſchara* quidem, at ſubjectis partibus remanebit durities. Huic aſſumendæ novum applicatur cauſticum: exindè novus callus eodem ſemper modo tollendus & renovandus. Hinc in annos non rarò torquentur ægri cruciatibus teterrimis, qui cauſticorum actionem expertes pænè doloris paſſuros ſe putaverant. Quid de carunculis fun-
goſis quæ ortum præbent etiam cauſtica? Quis verò nescit partes breviori temporis ſpatio, longèque minori dolore incidi, quàm aduri? ferrum oculus dirigit-nè longius quàm par eſt vagetur, nevé quid labefactatum relinquat intactum.

I V.

INCISIONEM perpeſſurus variis præparationibus indiger, *phlebotomiâ*, catharticis, diætâ convenienti; alterantibus, ſi opus eſt, utatur. Paulò antè operationem alvus enemate ſolvenda & urina emittenda. Faciliùs operaberis, ſecum & urinæ ejectionem prohibebis. Tùm æger pronus leſti ſpondæ decumbat. Clunes porrigat à famulis diducendas. Brachia, tibie, femora, truncus immota teneantur. In Anum ægri ſic compoſiti, indicem oleo illitum Chirurgus immittit, ſpecillum in fiſtulam forſis hiantem inserit, ſpecillo in-
teſtinum paulò ſupra hiatum fiſtulæ perforat, ſpecillum index in anſæ modum inſectit. Comprehènſa ſpecillo tota fiſtula, foras lenitèr, ne partes dilaceren-
tur, adducta ſcalpello incurvo circulariter abſcinditur. Cæcam intrinſecùs fiſtu-
lam completam efficiat inſteſtinum ſpecillo perſodens Chirurgus. Hanc attrahat & excidat. Quò peringat forinſecùs fiſtula quæ tantum perforat inſteſtinum, declarat vulgò tumor externus, durus, ſaltèm exiguus; hic aperiendus. Sic patefactâ, quæ ſpecillum admittat, viâ; modum tenes operandi qui ſu-
perius traditus eſt. Inciſione peractâ, cuniculi, ſi qui ſint, aperiantur, calli amputentur, reſecentur habenu læ. Cavendum maximè nè ſurculus arterio-
ſus, qui pulſatione facilè diſtinguitur, pro habenu læ incidatur. Craſſior tu-
runda oleo & ovi vitello ſimul mixtis imbuta in Anum immittatur; pluribus linamentis eodem liquore tinctis vulnus implendum, ſuperpoſito ſplenio em-
plaſtro obducto, additis linteolis complicatis. Hæc ut firmentur, deligatione indigent. Deligendi modum accipe. Antequàm abſcindatur fiſtula, mantile ſecundùm longitudinem ter quaterve plicatum renes ægri cingat. Cingulum iſtud, linteo ab ægotantis collo antè & retrò pendentì (*ſcapulare* vocant) utrimque aſſuatur. Mantili verò renes ingenti adhæreat à tergo fascia ſex di-
gitos lata, duos cubitos circiter longa. Hæc apparatus vulnèri applicatum com-
prehendens ad ſcerum uſquè adducatur integra: quod reliquum eſt biſidum eſſe debet, ut intra crura excurrens, cum renum cingulo, de quo dictum eſt, antrorſum firmiter, connectatur. Poſt diem integrum primus ſolvitur apparatus. Turunda & linimenta baſſamo *Arcei* & unguento *Baſilico*, aut ſimilibus Phar-
macis deinceps oblinantur. Pure albo nec grave olente exiſtente, renatiſque, quantum demptum eſt, genuinæ indolis carnis, cicatrix unguenti pompholygos ope inducatur. Vulnus eò citiùs ſanatum iri exiſtmes, quò diætâ tenuiori toto curationis ſpatio uſus fuerit ægotans.

AGE nunc. Quid verearis ab excisione fistulæ? num hæmorrhagiam? at nulla est sapissimè; si quæ tamen, facile compescitur. Cùm amputatur manima, plures simul secantur arteriæ: Nùm ab hac operatione deterret hæmorrhagiæ metus? linamento solo sistitur fluxus sanguinis. Nequè eodem periculo, si quod imminet, vacat causticorum usus. *Eschara* quidem ab iis inducta omnes vasorum hiatus occludit; eadem decidente nonnè rursus dehiscunt vasa? hinc obsolevit ferro candenti sanguinem cohibendi consuetudo. At saltèm, iniquiunt causticorum Patroni, ostium fistulæ cum forinsecus non satis patescit, leviori caustico ampliandum est. Quidni ferro potiùs? si ferrum adeo reformidet æger, spongia præparata in fistulam immissa, imbibito succo tumefacta paulatim ostium fistulæ dilatat. Verùm cum majori dolore & tædio. Potior est dolor acutus qui brevi pungat, quàm levis qui diù molestus sit. Quare non audiendi sunt qui fistulam filo serico, vel setâ equinâ vincendam & de die in diem constringendam donec secetur, prædicant. Isthæc operatio eò crudelior quò longior; insuper nec experts est periculi. Si filo secantur vasa sanguinea, à constrictione supersecedeas oportet, & hæmorrhagiæ occurras. Quod si hoc non eveniat incommodi, doloremque ferat æger constanter, improbanda tamèn illa: ad curationem enim fistulæ, non ipsa tantùm sed cuniculi, si qui sint, aperiendi, habenulæ & callosa substantia excidenda. Hæc vinculis illis nullo modo, causticis difficultèr admodùm, ferro facillimè perficies.

Ergo Ani fistula ferro tutius quàm causticis aut ligaturâ curatur.

DOMINI DOCTORES DISPUTATURI.

M. Hyacinthus-Theodorus Baron, Scholarum Professor designatus.

M. Ludovicus-Maria Pouffe.

M. Raymundus de la Riviere.

M. Franciscus-Josephus Hanauld, Pharmacie Professor, Regiæ Scientiarum Academiæ, & Regiæ Societatis Londinensis Socius, & in Horto Regio Anatomæ, & Chirurgiæ Professor.

M. Ludovicus Petrus Le Hoc, in Castellæto Regis Constitutus, & Medicus ordinarius.

M. Emmanuel-Mauritius Davenney.

M. Urbanus Leauté.

M. Germanus Preaux, antiquior Scholæ Magister, & Regius Professor Emeritus.

M. Antonius Casamajor.

Proponebat Parisiis, LUCAS-AUGUSTINUS FOLLIOT DE SAINT VAST, San-Laudæus-Constantienfis, Baccal. Medicus,
A. R. S. H. 1736. à sextâ ad meridiem.